

Ким тош билан истинжо қилса, тоқ қилсин | Сийрат дарслари (252-дарс)

СИЙРАТ
дарслари 252-дарс

ISLOM.UZ

Сийрат дарслари Шайх Мұхаммад Содик Мұхаммад Йосуф рохимахуллохнинг
«Бу – Расулulloҳ соллаллоҳ алайҳи васаллам» таржима китоблари ва
“Хадис ва ҳаёт”нинг 19-жузъи асосида бериб борилади. Мавзуларнинг тўлиқ матни
билин танишиш учун китобнинг ўзига мурожаат этиш тавсия этилади.

19:00 / 20.10.2023 805

297. Абу Саламадан ривоят қилинади:

«Оиша розияллоху анҳонинг ҳузурларига кирсам, унинг эмикдош акаси бор экан. Шунда ундан Набий соллаллоху алайҳи васалламнинг жанобатдан қиласидиган ғусллари ҳақида сўради. У бир соъ ҳажмли идишни чақирди ва ғусл қилди. Биз билан унинг орамизда парда бор эди. Бошидан уч марта сув қуиди. Расулulloҳ соллаллоху алайҳи васалламнинг жуфти ҳалоллари бошларидан қулоқнинг учигача очар эди».

Муслим ривоят қилган.

298. Оиша розияллоху анҳодан ривоят қилинади:

«Бизлардан бирортамиз ҳайз кўрган бўлса ва Расулulloҳ соллаллоху алайҳи васаллам уни қучоқламоқчи бўлсалар, ҳайзининг аввалида иштон кийишга буюрар, сўнгра қучоқлар эдилар. Қай бирингиз Расулulloҳ соллаллоху алайҳи васаллам шаҳватларига молик бўлганларидек шаҳватига молик бўла олар эди?»

Бухорий ва Муслим ривоят қилишган.

299. Оиша розияллоху анҳодан ривоят қилинади:

«Набий соллаллоҳу алайҳи васаллам масжидда эътикоф ўтирганларида бошларини мен томонга чиқарар эдилар. Мен ҳайзли ҳолимда уни тараб қўяр эдим».

Бошқа ривоятда:

«Ҳайз ҳолимда Расулуллоҳ соллаллоҳу алайҳи васалламнинг бошларини ювиб қўяр эдим», дейилган.

Бухорий ва Муслим ривоят қилишган.

300. Кабша бинт Каъб ибн Молик розияллоҳу анҳодан ривоят қилинади:

У Абу Қатоданинг ўғлининг хотини эди. «Абу Қатода (уйимизга) кирди. Мен унинг таҳоратига сув қуиб бердим. Шунда бир мушук келиб, ундан ичди. У эса, ичиб олиши учун идишни унга энгаштириб тутди. У ўзига қараётганимни кўрди ва: «Эй биродаримнинг қизи, ажабланяпсанми?» деди. «Ҳа», дедим. «Расулуллоҳ соллаллоҳу алайҳи васаллам: **«Албатта, у (мушук) најас әмас, у сизларнинг атрофингизда айланиб юрувчилардандир**, деганлар», деди».

Абу Довуд, Термизий, Насойи, Ибн Можа, Ибн Хузайма, Ибн Ҳиббон ва Ҳоким ривоят қилишган.

301. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам: **«Бирортангиз таҳорат қилса, бурнига олган сувни чиқариб ташласин, ким тош билан истинжо қилса, тоқ қилсин. Агар уйқусидан уйғонса, қўлини уч марта ювмай туриб, уни идишга солмасин, чунки бирортангиз қўли қаерда тунаганини билмайди»**, дедилар».

Бухорий ва Муслим ривоят қилишган.

«Расулуллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хulosаси асосида чоп этилган.